

3. august 2017

Inatsisartut suleriaasianni § 37 naapertorlugu matumuuna apeqquutit Naalakkersuisunut imaattut saqqummiuppakka:

**Apeqquut:**

- Meeqqamut innarluuteqarneq pillugu illoqarfimmi allami paaqqinnittarfimmut inissinneqarsimasumut angajoqqaajusut inissinneqarfimmut nooqataasimasut ukiumut ataasiarlutik illoqarfingisimasaminut tikeraarlutik angalasinnaanerannut aningasaaliisinnaanermut aalajangersakkamik eqquissineq qanoq akeqassava?**

(Inatsisartuni ilaasortaq Laura Tàunâjik, Siumut)

**Tunngavilersuutit:**

Meeqqat annertusisamik innarluutillit, innarluutertik pissutaalluni illoqarfimmi allami inissinneqarsimasut, ukiumoortumik marloriarlutik qinnuteqarnikkut ikorsiinikkut tapiiffigitinneqarsinnaapput angerlarlutik pulaartariaqassappata. Allatut aaqqiumagaanni aamma periarfissaqarpoq angajoqqaajusup imaluunniit meeqqamut oqartussaasup imaluunniit meeqqamut qanigisaasup qinnuteqarluni akuersinikkut akiliunneqarsinnaavoq, pineqartup meeqqamut pulaarniassammat.

Aaqquissuussinerit taamaattut qulakkeerumavaat, meeraq angerlarsimaffiup avataannut inissinneqaraluartoq angajoqqaaminut attaveqartuaannarnissaa isumagissallugu, aammalu nuarsuarmioqatigiit innarluutilinnut aalajangiussannut naapertuilluarluni, meeqqat innarluuteqaraluarlutik ilaqtariinni inuuneqarnissaminnik naligiimmik periarfissinneqartariaqarmata.

Angajoqqaat innarluutilimmik meeraqartut, aammalu meeqqap innarluuteqarnera pissutigalugu illoqarfingisap avataanniittariaqarpat, soorunami meeqqatik isumassorusuttuaannarpaat, minnerunngitsumillu periarfissaasut naapertorlugit meerartik sapinngisaminnik annertunerpaamik ilagerusullugu. Angajoqqaat ilaasa qinertarpaat illoqarfimmut meeqqap inissisimaffigisaannut nuunniarlutik, suliffissatigut aammalu inissaqarnikkut periarfissat ajunngippata. Periarfissaq taanna tamanut ammanngilaq, taamaasimappalluunniit aalajangiineq imaannaanngitsuuvoq, ilami inernerisinjaammagu, angajoqqaajusut toqqissimaffimminniit nuuttariaqassammata, aammalu ilaqtat qanigisaasullu allat qimaannartariaqassallugit.

Innarluutilimmut angajoqqaajusut meerartik ornissimallugu illoqarfisaaannukarsimatillutik, assersuutigalugu ukiumut ataasiarlutik illoqarfisaminut angalanissaminut akiliunneqarsinnaanngillat.

Tamanna ajuusaarnartippara, meerarmi qitiutillugu aalajangiissagutta, taava pitsaanerpaavoq angajoqqaajusut illoqarfimmut meeqqap inissinneqarfianut nooqataappata.

Tamatumani angajoqqaanut innarluutilinnik meeralinnut atugassarititaasut pitsangorsaavigneqarnissaat pisariaqartinneqarpoq. Aana taamak iliornissamut periarfissaq isumaliutigineqartariaqarasugisara. Apeqquataavorli taamatut aaqqissuussineq qanoq akeqassanersoq?